



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 48. Rex Daniæ, ac Imperator Carolus Avenionem adveniunt.

---

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

trocoricensi susceptam, Patriarchæ Constantinopolitani titulum, Ecclesiarum Coronensis, & Chalcidiæ administrationem, unde viveret, ac decem florenos quotidianos decrevit. Diploma legationis dedit 10 Jul. an. 1364: ac Petri potestatem in cunctas Thraciæ seu Romaniæ provincias extendit.

Sæcul. XIV.  
A.C. 1364.

Rayn. 1364.  
n. 24.

Supremum belli sacri Ducem adhuc neminem loco Regis Joannis Papa designaverat; ut ait in suis ad Joannem Palæologum litteris 17 Calendas Novembris scriptis. Interim Rex Cyprius, qui se Crucæ signatis usque ad profectioem Regis Joannis præfaturum sponderat, ab Imperatore, cæterisque, quos adierat, Principibus Occidentis, bella quidem verba, sed reapse nullam opem obtinuerat.

n. 26.

Sup. §. 45.

Vita P. Tho.  
n. 83.

§. XLVIII.

*Rex Daniæ, ac Imperator Carolus Avenionem adveniunt.*

Urbanum haud ita pridem ad summam evectum sedem etiam Valdemarus III. Danorum Rex invisit: & Avenione tum commorans, cum Galliæ Cyprique Reges sacræ militiæ nomen darent, crucem & ipse induit. Quarta jejunii verni Dominica Papa rosam ei auream donavit, & multas, quibus Daniæ templa ditaret, re-

Vita PP.  
p. 366. 983.

N 2

liquias



**Sæcul. XIV.** liquias, nempe de capillis ac vestibus SS.  
**A.C. 1364.** Virginis, & de ligno crucis, quasdam  
**Rayn. 1364.** particulas reliquiarum S. Joannis Bapti-  
**n. 14.** stæ, Sanctorum Georgii, Vincentii, Ne-  
 rei, & Achillei. Noxarum veniam con-  
 cessit iis, qui pro hoc Principe supplica-  
 rent Superis: ipsum, & Daniam in Sa-  
 cræ Sedis fidem recepit: eumque omnium,  
 quæ in Ecclesia fierent, bonorum ope-  
 rum, participem fecit per diploma scri-  
 ptum 9 Martii an. 1364. Non video,  
 quid gratia postrema addat *Communione*  
*Sanctorum* in Symbolo Apostolico memo-  
 ratae. Etiam mandatum Lincopiæ, Lu-  
 becæ, atque Camini Episcopis misit Pa-  
 pa, ut rebellibus in hunc Principem cen-  
 suras irrogarent. En ea, quæ ab isto i-  
 tinere retulit!

Sequente anno 1365 Imperator Ca-  
 rolus IV invitante Papa similiter Aven-  
 tionem petiit cum multis Germanis, &  
**Cont. Nang.** aliisque Nobilibus. Rex Franciæ Caro-  
**p. 907.** lus eo misit suum fratrem Andegaviæ  
 Ducem, aliosque Optimates, ac Præ-  
 sules, veluti Guilielmum Melodunensem  
 Senonum Archiepiscopum, & Guiliel-  
 mum Domnamantinum Normanniæ Can-  
**Vita PP.** cellarium. Imperator Aventionem men-  
**p. 370. 984.** se Majo delatus, die Pentecostes 3 Junii  
 divinæ rei, quam Papa faciebat, interfuit  
 imperatorio vestitu, corona, & sceptro  
 insignis. Multos cum Papa sermones  
 con



contulit de Tyrannis Italiae, praesertim Saecul. XIV.  
 Pro-Comitibus evertendis, ut putabant A. C. 1365.  
 aliqui; aut de subsidiis contra Turcas Corio. p. 567.  
 ethnicosque mittendis: nam Parisiis a-  
 jebant Imperatorem hoc fine Urbano re-  
 gni sui decimas obtulisse, ut copias mer-  
 cenarias per triennium aleret; centurias  
 Franciam tamdiu vastantes colligeret; ac  
 modum expiandi crimina doceret, lar-  
 go tamen stipendio poenitentes afficeret.

Utraque opinio potest vera esse: sed  
 posteriorem confirmat epistola, quam Pa-  
 pa 9 Junii ad Regem Franciae Carolum  
 scripsit in hanc sententiam: Imperator Ragn. 1365.  
 ad nos, ut scis, nuper admodum profe- n. 1.  
 ctus nobis exposuit, quantopere cupiat  
 totius orbis Christiani, ac speciatim regni  
 tui pacem & tranquillitatem deprimen-  
 dis nostrae religionis hostibus, ac recu-  
 perandae terrae sacrae idoneam: detexit-  
 que nobis multa alia arcana publicum ad  
 bonum tendentia. Itaque inter nos pa-  
 ri flagrantibus studio convenit, primum  
 grassantes illas centurias detestabiles e  
 cunctis Christianorum terris omnino ex-  
 terminandas, ac velint, nolint, contra  
 populos a nostra fide alienos mittendas  
 esse. Hungariae Rex has centurias  
 transire per suum regnum sinet: sic spe-  
 rat Imperator, spondens se suis sumpti-  
 bus eas aliturum a finibus Gallicis usque  
 ad Hungaricos. Si Rex Hungariae in  
 N 3 earum



Sæcul. XIV. earum transitum non consentiat; nos, &  
A.C. 1365. Imperator Venetis, aliisque Italicis navi-  
 bus in Orientem pervehendas curabi-  
 mus: & pro sumptibus itineris Impera-  
 tor dimidios Bohemiæ suæ reditus ad  
 triennium liberaliter offert.

## §. XLIX.

*Ægidius Albornius calumniis  
 appetitur.*

*Rayn. n. 9. 10* Magna obsequia, quæ Cardinalis Ægi-  
 dius Alburnius Ecclesiæ Romanæ  
 in Italia præstiterat, haud obstabant, quin  
 ejus nomen per calumnias ad Papam de-  
 ferretur. Dicebatur adversus Barnabam,  
 & alios Ecclesiæ inimicos molimina  
 quædam suscepisse in pactiones cum eis  
 factas pugnantia; & proventus Ecclesiæ  
 in rem suam avertisse. Igitur deprecari  
 legationem Siculam ab Urbano sibi de-  
 mandatam, & ut se ipse purgaret, Ro-  
 manam adire curiam volebat. Sed Pa-  
 pa ei scripsit, esse persuasam sibi ejus in-  
 nocentiam, & ardens in Ecclesiam stu-  
 dium: contemneret sermones vanos,  
 suaque officia continuaret, etsi jam pro-  
 vectus annis: denique legationem Si-  
 culam sex abhinc menses acceptam stre-  
 nue obiret. Dabat 30 Jan. 1365. Hæc  
 legatio Neapolim contingebat: quo Æ-  
 gidius reipsa delatus Reginam Joannam  
 adstrin-